

經驗仙方備要

久患咳嗽連四五十聲

生薑汁半合蜜一匙煎熱溫服輕者三四服重十數服自愈

天蟲散

治風痰咳嗽
夜不能卧

用白僵蚕炒研好茶各一兩爲末每用五錢卧時泡湯服

一切心疼

不拘大小男女

用馬兜鈴

一箇

燒存性爲末溫酒服立效

又方

用青色鴨蛋壳

四箇煨存性

爲末黃酒送下立效

一人心痛

八九年百藥不效

用胡麻

二兩炒研

黃酒下三錢日數服愈不發

一

五梔子燒研搽牙

又方 麥冬不拘多少煎湯頻漱以止爲驗

牙疼 蜂房五錢 花椒三錢 青鹽一錢 共煎漱口

兩眼夜不見物

羯羊肝一副不見水不沾 加穀精草細末
鐵器以竹刀切開

入瓦罐內煮熟不時服之屢驗

時眼火眼 用三七磨濃水塗眼眶卽愈

飛絲入目 細刮指甲末唾津和點其絲自聚拔出

凡一切物入眼中 燈心點指甲末於眼角上卽出

爛眼弦

銅菜 甘石 食鹽 明礬

用水蒸洗數日卽愈仍忌雞魚物

青盲數十年

白母狗待生子時卽以犬乳頻頻點之小犬目開人目亦開

鼻血 山梔子燒灰吹之

鼻衄久不止 大蒜搗爛 如左鼻出血左腳心下敷右鼻出血

右腳心下塗兩鼻俱出血兩足心下皆鋪卽止

鼻笋奇疼

用白礬礪砂

少許

爲末吹入化水愈

鼻出膿方

油胭脂水粉同拌勻用手拈碎成末吹入三四次其

效如神 或出血者龍骨末吹愈

耳疔方 荔枝核煨存性爲末麻油調敷耳外疔自除

舌卒腫

如猪胞狀滿口
不治須臾死

用百草霜

要測間燒
雜草者良

和酒塗舌下立愈

舌忽脹出口外

俗曰蜈
蚣毒

雄雞冠血一小盞浸之卽收

又中蜈蚣毒昏倒者

用此血對水飲

與前中蜈蚣
油方同

舌硬出血 木賊水煎漱口卽止

纏喉風秘方

用皂角末醋調塗外頸上乾則易之其乳蛾卽破而愈矣

痞塊

不論痞塊血塊

活穢血飲數次神效

消滯丸

治一切酒食痰脹腫痛積聚痞塊癥瘕此方消而不嚮響而不動藥味尋常功效甚速

黑丑

頭末二兩微炒

南香附

一兩醋浸透為妙

五靈脂

一兩微焙

檳榔

一兩

共研細末醋和為丸桐子大每服一錢漸加二錢薑湯下

此方東平展子明傳屢試屢驗

縮陽症

用小雄雞重十兩以內者洗淨雞腳先將水入鍋煎沸

次將活雞入沸水鍋內便即去雞取水服即愈

此方太慘用一放十於心始安

一切腫毒

山藥搗成泥塗之立消

諸瘡十年不差者

鯽魚煨灰和醬塗之

對口瘡 薑汁磨京墨四邊圍住以白梅猪胆塗瘡口卽好

又方 用抱小雞母出窠時熱糞塗之愈

對口瘡名天疽

十有九死宜於初起時治之不論偏正

用蛇蛻

一條煨灰

以好酒調服卽消

外科總方 桑條如大指粗二根炭火燒着一頭吹滅用心薰瘡

如未成者便消散或已成者便破有疔去疔有毒去毒薰疼

者不疼卽安薰不疼若疼卽愈

拔諸疔散

紫花地丁

一兩

甘菊花

一兩

前服六劑全愈

疔瘡初起

飲麻油一盞可保無虞血疔亦能止血

護心散

見疔苗速用凡患瘍症見食惡心乃毒攻心也急服此散

萊豆粉

一兩

乳香

三錢
去油

每服五錢甘草水送下如心慌加硃砂三分酒調亦可

破傷風

用手足十指甲香油炒黃爲末黃酒冲服汗出卽愈真奇方也

便毒方

好米醋煮牛皮膠熱敷之卽愈

騎馬毒初發

甘草

五錢

酒一盃水一盃煎服立愈

騎馬瘡

金銀花

半觔煎水
二大盃

大黃

一兩

牛膝

二錢

車前子

五錢

當歸 一兩

生甘草

五錢

地榆

五錢

用前金錢花汁煎六味藥空心服服後飲酒盡醉睡睡醒則如失過一日微瀉而愈忌房事一月

魚口瘡

牛牙煨灰研細末每服一兩黃酒調送下一二服即愈

蛇頭指

雄黃入猪胆內套指上自愈

坐板瘡

蜂窠燒灰存性研末和冰片摻上數次愈

火丹熱毒

燕窩土用向陽者雞子白調敷

小便頻數有餘滴

腰膝冷腎囊溼兩腳無力

破故紙

鹽水浸酒炒二錢

白茯苓

一兩

沒藥

五錢去皮

共爲細末用黃酒浸高藥一指煮化爲丸梧子大每空心服

三十九白湯下

大便下血

黑芝蔴

黑豆各五錢

水七盃煎五盃不拘時一日服盡七日愈

小便閉脹

不治殺人

葱白三錢切炒帕盛二箇更換熨小腹上氣通卽便

癰淋 馬齒莧搗汁飲

又此水湯

治五淋小水不利

地水湯卽地漿

莖中痛欲死

牛膝一兩洗淨 水五盅煎一盅去滓加射香少許研調空心服

夢遺并心腎不交

兔絲子一兩 車前子以沙囊搗去死土炒三錢 水煎代茶長服自愈

又無夢遺精 韭子一兩炒研 每晚酒服二錢並治白濁盜汗

黃疸尿赤 頭髮灰水服一錢日三次愈秘方也

大頭瘟方 東平展子明傳頭面腫大如斗二目難開危急者服之奇效

牛蒡子炒香研 苦桔梗 荊芥穗焙 家菊花 黃栢稍 龍胆草

防風 羌活 連翹去心 蔓荊子去蒂焙 薄荷葉 藁本 元參

白芷 川芎 生甘草 每位三錢

共合一處入沙鍋內注水十盃在病人房內炭火慢熬至五
盃爲度去渣將病人仰臥以小盅徐徐灌之勿令間斷服完
其腫自消須善調養數日再服清胃之藥必無後患

蝦蟆瘟

頭項腫大

方名福龍散亦治大頭瘟

福建龍花細研三錢和雞子清一枚燒酒攪服

側柏葉搗自然汁調蚓泥研敷

龍花染房內可覓

頭風

不拘偏正立刻止痛方

硫黃

一錢

川椒取紅色者去黑子爲末

三分

以上二味拌勻溶成小餅左疼塞左鼻清涕從右鼻出右疼
塞右鼻清涕從左鼻出正疼左右俱塞清涕流盡卽愈神效

胃疼 紅棗 七枚去核搗爛 橘皮 三錢 生薑 三錢 煎服平淡屢效

胸膈痛 韭菜汁半盅服下即愈止痛 此方胸膈以上皆可用

厥脹治法 先用試厥法 鹽 四兩炒熱 絹包放臍上水厥鹽化水食

厥紅色血厥紫色氣厥紫黑色氣虛中滿鹽本色

治厥脹驗方

過山龍 即土牛膝 土枸杞根 即地骨皮挫碎 童子雞 一支去毛雜 裝入前藥貯

砂鍋內酒水各半煮熟去藥吃雞至重不過三隻

水厥方

大鯽魚 一箇去腸 入建連子 去心 淡食一箇小便即利二箇全愈

婦人血臌方 馬鞭草同劉寄奴煎湯服神效末服亦可

治水腫方

名消河餅

大田螺

四箇

大蒜頭

五箇去衣

車前

三錢研末

三味同搗爲膏作一餅覆臍中以手帕縛之水從便出卽愈

換二三餅尤妙

治氣脹氣臌方

白蘿蔔汁浸砂仁

炒乾連浸連炒數次

後將砂仁爲末每服一錢米湯下

數服必愈

治中滿臌脹方

陳葫蘆瓢

一箇三五年者

以糯米一斗作酒待熟以瓢子於炭火上

炙熱入酒浸之

小便血淋方

苧麻根煎湯服大效亦治諸淋

尿血

車前子搗汁五合空心服

或加蜜少許

又方

海螵蛸

生地

赤茯苓

等分爲末柏葉車前子煎湯下一錢神效

治糞後下血方

艾葉生薑煎濃汁服每服三合

雙單乳蛾方

山豆根

不拘多少

加射香

少許

爲末吹入喉中自愈

針法

端治喉閉并大頭蝦蟆瘟

卽於少商穴

在大指甲下靠內邊有穴處

用三稜針出血

卽愈左腫針左右腫針右口噤不開急針兩指

腰痛

用猪腰一付去內筋膜裝破故紙杜仲末線紮好將黑豆

三合以猪腰子放於豆中水比豆高一指少入鹽兩匙煮三四
滾悶一時藥味棄去將腰子空心嚼吃料豆常吃三服卽好

又方

小茴香爲末煨腰子服

絲瓜根燒灰存性爲末酒下二

錢立止

鹿角剉碎炒黃色爲末酒下三錢卽愈

鵝掌風

鮮蟹水洗卽愈

真蘄艾

四五兩

水四五盞煮五六滾入大口瓶內麻布二層縛

之將手心薰之冷則再熱神效

鶴膝風

甘菊花蘄艾作蹠膝用久其病自除

腳氣

薏苡仁作粥食

赤小豆和鯉魚煮食

腳軟病乃腎虛

淨杜仲

兩

寸斷去絲半酒半水一大盞煎服數劑調理保中

即愈

腳腿紅腫方

俗名
遊風

以鐵銹水解塗之自好

絞腸痧

透明生白礬研末每服二錢用熱水冷水各半杯調服即愈

再於瓜甲肉際臂灣等處刺出黑血爲要切忌薑湯茶葉湯大